

本书出版得到国家古籍整理出版专项经费资助

清代吏治史料

线装书局

官员铨选史料 三三

清代吏治史料

綫裝書局

新華書局
PDG

總督湖廣等處地方軍務兼理糧餉兵部尚書兼都察院右副都御史署理湖北巡撫印務加二級紀錄十八次降二級留任臣遵柱謹題為欽奉

上諭事該臣看得前准部咨凡試俸各官在

恩詔以後到任者仍照例令其試俸等因飭遵在案今據湖北武昌布政使李世倬詳據黃州府知府李天祥詳稱該府清軍同知孟瑞於雍正九年十月十九日到任起扣至雍正十二年十月十九日底歷俸已滿三年該員年青守潔辦事勤慎任內並無奏罰案件九有差違並無遲悞巡緝維繫地方寧謐上年母故已蒙

題留在任守制定屬稱職之員造具履歷事定清冊出具印結詳請

題達前來經臣覆核無異除冊結送部外臣未敢擅便謹題請

旨雍正十三年三月初六日題本月二十七日奉

旨該部議奏

經筵講官少保兼太子太保保和殿大學士兼管吏部戶部尚書事
加六級臣張廷玉等謹

題為遵

旨議覆事該臣等議得巡視長蘆等處鹽政御史三保等疏稱史尚廉自
雍正九年十一月初二日署長蘆批驗所事於十年七月十二日離
任又雍正十年七月十六日署長蘆運司知事事連閏扣至十二年
十月初六日試用兩任共計三年期滿該員為人明白辦事勤敏差
委解餉並無遺悞定係稱職有志上進之員堪以補授知事再查該
員係州同補授知事陞轉時仍照原銜陞轉等因前來 查史尚
廉候選州同先經咨署鹽運司知事在案今該御史既稱該員試用
三年期滿為人明白辦事勤敏差委解餉並無遺悞定係稱職之員
堪以補授知事等語 應如該御史所請史尚廉准其定授長蘆
鹽運司知事可也恭候

命下臣部遵奉施行
若未敢擅便謹
題請

旨雍正十三年三月二十六日題
本月二十八日奉
旨史尚廣依議補授

經建議官少保兼太子太保保和毅大學士兼管吏部戶部尚書事
加大級臣張廷玉等謹

題為特奏聽許財物故出人罪之縣令以肅官方事
總督王士俊疏稱伊陽縣知縣俞名言貪圖賄賂任意捏飾改重為
輕罔顧

功令似此貪劣之員所當特疏糾奏請

旨革職所有伊陽縣員缺查有知縣呂大抱係奉

旨命往河南委用先經委署河陰縣懷慶府通判現今又委署孟津縣事
該員居官勤懷一切事務俱能寬心辦理並無遺悞請以呂大抱委署伊陽
縣知縣試用俟著有定在政績再行題請是授但查呂大抱現署理
孟津縣事難以分身前往查有奉

旨命往河南以知縣以下試用王大呂呈往伊陽縣摘取俞名言印信暫
委署理俟孟津縣知縣郝博文到任後再令呂大抱前往伊陽接署

昔因前來

除俞名言業經奉

旨革職外其所遺伊陽縣知縣員缺該督既稱查有知縣呂大抱係奉

旨命往河南委用先經委署河陰縣懷慶府通判現今又委署孟津縣事

該員居官勤慎一切事務均能定心辦理俱無遺憾請以委署伊陽

縣知縣試用

應如該督所請呂大抱准其委署伊陽縣知

縣令該督留心察看如果定心辦事克稱厥職將實在政績叙入本

內另行保題實授再查呂大抱現署孟津縣事應俟該縣知縣郝博

文到任後呂大抱再赴伊陽縣接署呂大抱未到任之前其伊陽縣

員缺准其將

命往河南以知縣以下試用之王大呂暫行署理可也恭候

命下臣部遵奉施行臣等未敢擅便謹

題請

旨雍正十三年三月二十六日題本月二十八日奉

旨依議

經筵講官少保兼太子太保保和殿大學士兼管吏部戶部尚書事
加大級臣張廷玉等謹

題為病軀難以供職遵例詳懇辭任調治事該臣等議得原任四川巡
撫鄂昌等既稱保寧府屬昭化縣知縣孟照染患怔忡疾病頭目昏
暈心慌氣脹等症該員居官數載定係勤慎供職應照例准其回籍
調理俟病痊之日原籍督撫送部引

見所遺昭化縣員缺查有奉

命來川浙江舉人程餘慶先經委署蓬溪洪雅銅梁各縣印務俱係勤慎
請以委署昭化縣試用如果稱職另請實授等因前來除四川
昭化縣知縣孟照患病臣部照例另疏彙題外所遺昭化縣員缺該
撫等既稱有奉

命來川浙江舉人程餘慶先經委署蓬溪洪雅銅梁各縣印務俱係勤慎
請以委署昭化縣試用如果稱職另請實授等語應如該撫等

所諸程餘慶准其委署昭化縣知縣如果稱職該撫等將實在政績
叙入本內另行題請寔授可也恭候

命下 臣部遵奉施行 臣等未敢擅便謹

題請

旨雍正十三年三月二十六日題本月二十八日奉

旨依議

巡撫福建等處地方提督軍務都察院右副都御史紀錄六次駐紮

福州府 日盧焯謹

題為患病難以供職等事。該員看得署壽縣事試用知縣馬大紀案准吏部咨。俟試用一年期滿果能稱職。另題寔授。等因。行據布政使張廷枚會同按察使莊令翼詳稱。據攝理建寧府事延邵道副使姜朝俊詳報。馬大紀自雍正十一年九月二十四日署壽寧縣事起。扣至十二年九月二十四日一年期滿。該員居謹飭辦事和平。任內並無忝罰。款過政蹟。實有可考。且馬大紀年力精壯。辦事勤謹。署理壽寧縣事。在在皆以寔心而行。寔政。洵屬稱職之員。相應照例予其寔授。請乞具

題并因前來。臣覆查無異。除事寔冊送部外。謹會

題請

旨。雍正十三年二月二十四日題。三月二十八日奉

旨。該部議奏。

經筵講官少保兼太子太保保和殿大學士兼管吏部戶部尚書事
加六級臣張廷玉等謹

題為循例

題明効力人員以資河防事該臣等議得陞任江南副總河白鍾山等
疏稱河工務在得人而人才尤貴諳練南河工段繁多需人差委臣
等復公同選擇年力精壯勤敏小心取到殷寅印結之獲選州同王
之臣等三十二員未經取到殷寅印結之候選州同朱日新等三員
又候選州同邵豐銀一員已經雲貴廣西督臣尹繼善帶往辦事但
係久經投効取有印結之員仍應留工以便俟到工之日一體差委
計共三十六員仰懇

皇上俯念河務需員准其留工以候差委如留工之後果能定力奉公酌量
委用此內有江南籍員者應請照例俟有勞績以專管河務之缺委
用或咨北河酌量題補將各員履歷造冊送部等因前來 查雍

正六年四月內奉

旨

河工効力人員同需才能尤以家道殷實為主爾部行文舊勸將在

工効力人員無論命往及在彼處揀選者逐一詳加查問併取具原籍

地方官印結果係家道殷實之員准其留工如係家道艱窘者着將該

員咨回爾部另行奏聞欽遵在案今江南河工効力之候選州同應陞

正印黃大雄候選州同王之臣方士膺徐安世張廷樂程光賓吉萬

錡諸顯功萬松李世教閩學林賈慶澤施大成魯邦盛臧錫誥何燭

林闡張景良吳廷祜黃尚發候選州判楊銘堯候選縣丞任登瀛鄭

毓賢王琮彭存仁候選主簿余洪起并二十六員據該督寺冊報俱

取有原籍殷實印結又經查明捐冊考冊俱各相符應准其留工効

力至捐職州同朱紹文捐納監生翁鳳王磐馬學韓張世傑孔傳典

臣部行查戶部兵部俟其卷覆到日如果捐冊相符另行知照准其

留工効力其未經取結之候選州同朱日新沈樹蕙監生姚培恩俟

其取結到日報部查核再行准其留工効力至候選州同邵豐鏗該

督井既稱據雲貴督臣尹繼善奏請帶往雲南暫幫募務但係久經
投効取有印結之員應俟其回工之日一體准其留工効勞再查候
選州同應陞黃大雄州同方士膺城錫誥張景良州判楊銘范縣丞
任登瀛監生翁晟馬學韓等八員俱係江蘇籍貫如果寔心効力著
有勞績該督井照例或以專管河務之缺題補抑或容北河總督酌
量題補恭候

命下臣部遵奉施行臣等未敢擅便謹

題請

旨奏正十三年三月二十七日題本月二十九日奉

旨依議

總督湖廣等處地方軍務兼理糧餉兵部尚書兼都察院右副都御史署理湖北巡撫印務加二級紀錄十八次降二級留任臣邁柱謹奏為籲請代

奏恭謝

天恩事該臣看得湖北武昌按察使司按察使胡濂於雍正十三年二月二十四日到任據該司詳稱濂西蜀庸材至愚極陋蒙

皇恩簡擢由翰林院檢討而三任道員兩界臬司自雍正九年奉

命趨赴湖南臬司之任四年以來雖凜冰兢之心更無涓埃之報茲復奉

旨特調湖北按察使敬沐

聖恩至高至厚竊思湖北刑名較之湖南更屬煩重濂蒙

皇上不次擢用受

恩愈重報稱愈難惟有竭盡駑駘之心辦事仰報

聖恩於萬一耳今於雍正十三年二月二十四日抵任當即望

關叩頭謝

恩受事訖所有感激微忱理合詳請代

奏恭謝

天恩并情前來臣謹恭疏代

奏雍正十三年三月初八日奏本月二十九日奉

旨該部知道

經筵講官少保兼太子太保保和殿大學士兼管吏部戶部尚書事
加六級臣張廷玉等謹

題

為補授司業事該臣等議得國子監司業崔紀陞任員缺應補准翰林院會同詹事府核服滿赴補原任國子監司業胡宗緒咨送前來應照咨送開寫職名具

題

恭候

命下

臣部遵奉施行臣等未敢擅便謹

題

請

旨

雍正十三年三月二十七日題本月二十九日奉

旨

胡宗緒補授國子監司業

經建議官少保兼太子太保保和殿大學士兼管吏部戶部尚書事
加大級臣張廷玉等謹

題為欽奉

上諭據寔回奏事該臣等議得調任河東河道總督朱藻疏稱河南懷慶
府同知山東張秋魯泉上河下河通判等缺例應臣等會同河東兩
省督撫揀選題補茲因未曾題補令臣等拈錄由明白回奏臣查河
工同知通判所管黃運兩河均有修防保固之責職守綦重向例於
効力人員內揀選銜缺相當之員題請補授同知必於通判州縣內
揀選通判必於州同知縣內揀選若州同以下職銜例不題補無如
在工効力人員多係州同縣丞祿職等項止可酌量補授汎聞等官
同知員缺不敢越次具題其通判員缺雖可將効力州同借銜題補
然大半皆授工未久未有功績不便題補而現任汎官求其能勝同
知通判之任甚難其人至沿河州縣又有錢穀刑名未完事件多不